



PERNYATAAN ANTI-RASUAH TEKUN NASIONAL

TEKUN Nasional sebagai institusi yang menyediakan kemudahan pembiayaan secara mudah dan cepat sentiasa mengamalkan toleransi sifar terhadap rasuah dan segala aktiviti yang berunsurkan rasuah dalam urusan operasi dan urusniaganya. Ini bermakna TEKUN Nasional tidak akan bertolak ansur dan akan bertindak tegas membanteras rasuah serta kegiatan yang berunsur rasuah.

TEKUN Nasional sentiasa komited dan berterusan dalam melaksanakan tadbir urus terbaik dan menangani risiko rasuah dengan memastikan segala urusan dilaksanakan secara telus, berintegriti dan mengikut prosedur yang telah ditetapkan.

Pernyataan Anti-Rasuah ini adalah terpakai kepada semua warga kerja TEKUN Nasional dan TEKUN Corporation Sdn. Bhd. Warga kerja yang melakukan jenayah rasuah akan berdepan dengan tindakan sepertimana yang digariskan dalam Kod Etika TEKUN Nasional dan/atau undang-undang jenayah negara.

Pernyataan Anti-Rasuah ini terpakai kepada semua pihak yang berurusan dengan TEKUN Nasional termasuk konsultan, pembekal dan vendor.

TEKUN Nasional komited untuk:

- a) Mematuhi peruntukan di bawah Akta Suruhanjaya Pencegahan Rasuah Malaysia 2009 [Akta 694] dan lain-lain akta, peraturan, polisi dan prosedur yang telah ditetapkan;
- b) Mewujudkan budaya berintegriti dan ketelusan di tempat kerja serta mengadakan dan menambahbaik program integriti dan anti-rasuah secara berterusan;
- c) Menyediakan saluran dan menggalakkan pelaporan mengenai aktiviti rasuah serta salah guna kuasa menerusi Polisi Pemberian Maklumat (*Whistleblowing Policy*);
- d) Memberi kerjasama penuh kepada agensi anti-rasuah iaitu Suruhanjaya Pencegahan Rasuah Malaysia (SPRM) dalam membendung amalan rasuah di dalam TEKUN, agen yang dilantik, pihak yang dikawal selia, pembekal dan mana-mana pihak yang berurusan dengan TEKUN; dan
- e) Mengenakan tindakan undang-undang dan/atau tatatertib bagi sebarang pelanggaran ke atas dasar, polisi dan prosedur yang berkaitan.

DATO' ADAM BIN ABD. GHANI
Pengarah Urusan & Ketua Pegawai Eksekutif
TEKUN Nasional

19 Februari 2024